

آبونه شرائطی

داخلی، خارجی، هریر ایچون
سنه لکی (۲۵۰)، آلتی آیاتی
(۱۳۰) غروشدرد.

نسخه سی ۵ غروش،
سنه لکی ۵۲ نسخه در

اداره خانه

باب عالی جاده سنه دائره مخصوصه

اخطارات

آبونه بدلی پشیندر

مسلك موافق آثار مع الممنونیه
قبول اولنور. درج ایدلهین
یازیر اعاده اولونماز

کتابخانه

۱۳۳۰

دینی، فلسفی، علمی، ادبی هفتعلق مجموعه اسلامییه در

باش محرر صاحب و مدیر مسئول

اشرف ارباب

محمد عاکف

والله یهدی من یشاء الی صراط مستقیم

اخطارات

ادرس تبدیلینده آریجه بش
غروش کوندربلایدرد

مکتوبلرک انضالی واضح
واوقوناقلی اولسی و آبونه صره
نومسودنی محتوی بولسی لازمدرد

مالک اجنیه ایچون آبونه
اولانارک آدرسلرینک فرانسیز
جده یازلی رجا اولنور.

پاره کوندربلایدکی زمان نه یه دایر
اولدیفنک واضعاً بیلدیرلسی
رجا اولنور.

اتبعون اهدکم سبیل الرشاد

پیشدیردی . بو مؤسسسه اسلامییه دنیا طور دتیجه بو وظیفه معظمه سنی
ایضایه نامزددر .

اکلاشیلان جامع شریف اوزون بر مدت ایچون بو وظیفه سنی ایضا
ایده میه جکدر .



عراقک استقبالی وانکلتیره

۱۴ اغستوس تاریخی تائیس غزنه سی دیپورکه : حکومت عراقک
استقبالی حقنده ایضاحات ویرمکدن امتناع ابتدی . فقط حکومتک بالکن
عراقده دکل ، آسیای وسطا دهده تعقیب ابتدیکی خط حرکتدن حساب
ویرمک زمانی ککشددر . دجله و فرات حوالیسنده بر چوق باره لرك
مصرفانه صرف و استهلاک ایدلدیکنه دائر بولانیق حکایه لر دیویوروز .
بصنرده اسکله لر اوزرنده بیکرجه طون صامانک چوریدیکنی ، هند
ستاندن غیرمعین بر ایشده قولاللق اوزره افسانوی مصرف لر مقابلنده
جلب ایدیلن بر نوع اودونک بیغینلر حالنده ترک ایدلدیکنی ، بهرمیلی
۱۸,۰۰۰ لیرایه مال اولان بولار پایدیرلدیغنی اوقویور و ایشیدیبوروز .
بو عظیم مصرف لرك بک سمیع اولان حربیه نظارتز طرفندن اختیار
ایدلدیکی آکلاشیلیور .

بواره انکلیز مکافینک جینندن چیقمقدهدر ، دیگر طرفندن بز
عراقده ۸۰,۰۰۰ هندی عسکره ضمیمه ۲۰,۰۰۰ ده انکلیز عسکرینی
سلاح آتنده طوتویوروز . بر طرفندن خزینه ناظریمز افلاس ملی به
طوفری ایلیله دیکمزی اعلان ایدرکن دیگر طرفندن عراقک ترقیسی
اوغرنده مصری اعمار ایدن لورد (فرودر) و رفقاسنی حیرته
دوشوره جک مقدارده باره صرف ایتمکک وسیله لر آرایور . بو آرائق
هندستان حکومتی ده عراقده مالورای طوروسنک شمال غریبسنده (حدود
فی) ترتیب ایتمک اوزره مأمورین سیاسیہ اعزام ایتمکدهدر . حالبوکه
بزم اصل (حدود فیهز) عجم کورفرزینک رأسنده ودجله و فرات
دناسنک ذروه سنده اولدیغندن مع الاسف بوقظه نك اونه طرفنده قالمش
بولونیوروز ، عجبا حکومت شاشیرمشمیدر ، بوقسه مثلارینک عراقده
نهر پایدقارینک فرقدیمی دکادر ؟ فرات وادیسنده اسقا عملیاتنک
شایان حیرت نتایج ویرمککنه اینانقده ایکی سبب طولایسبیله محترز
طاورانیوروز . بریحی سبب قدیم اسقا عملیه لرینک لزومی قدر اهمیتله
تدقیق ایدلدیکیدر . بعضی اختصاص صاحبی کیمسه لر اسکی اسقا
عملیه لرینک ترکیفی یا طوبراغک چامور حالنه کلسنه ، یا خودده اسقا طولایسبیله
طوبراغک طولانمسنه و بوضورته محصولک باره ایتسنه عطف ایتمکدهدر لر .
دیگر بر نظریه کوره ده مملکت (صیتمه) بوزندن نحو و خرابی به
سورؤکنه جکدر . سیر (جون جاقسون) عراقک اسقاسی ایچون
انکلترینک ۳۰ یا خود ۴۰ میلیون انکلیز لیراسی صرف ایتمی ایجاب
ایتدیکنی سویله یور . بو کاجواب اولارق مملکت صرف ایده جک بوقدر

عربستانده بر حرکت دینییه

تائیس غزنه سنک ویردیکی معلومانه کوره حجاز ایری ایله نجد ایری
ابن السمودک عسکری آرمسنده ۲۵ جزیرانده جریان ایدن عماربه ده
شریف حسینک مخدومی شریف عبدالله طرفندن قوماندا ایدیلن حجاز
عسکری قطعی بر مغلوبیته دوچار اولمشدر . آرمده کی مخاصمانک سبی ،
طاشک ۱۶۰ میل شمال شرقیسنده کائن بره وقعه ادعای تصرفدن عبارت
اولدینی اورویاده ظن ایدلشدهده ، اصل سبب (اخوان حرکتی)
نای آتنده عربستانده ظهور ایدن حرکت دینییهدر .

اخوان ، طبقی اون سکرنجی عصرده ظهور ایدن حرکت دینییهدر .
زینتک ، فقدان عدالتک ، امور دینییهده تنکاسلک عامیهنده بولونمقده
و هر واسطه ایله نشر اسلام فکرنی ترویج ایتمکدهدر ، بو طرفت ،
حظوظ نفسانییه کارشی بسلیکی خصومت اعتباریله سائر بوکا بمائل
اسلام طرفت لرنی بک چوق کریده براقا قدهدر . اخوان حرکتیه
اشترک ایدنلر ، یالکنز بر زوج ایله اکتفا ایدلسی ، ایچکی وتوتون
ایچامه سنی و وظائف دینییه نك تمامیله ایفای طرفدار لدر . (وقت)

جامع الازهر

۸ اغستوس تاریخی نیر ایست غزنه سنک قاهره بخار مخصوصندن
آلدینی برکتوبنده جامع الازهرک مشرف خراب اولدینی تحققی ایتدیکندن
و تعمیراته محتاج اولدیغندن بر قوه محافظه نك حمایتی آتنده تسمیر
ایدیله جکندن بحث ایتدکن صکره جامع الازهر شیخی ایله مصر
مفتیسنک رئیس نظاره دفعات ایله مراجعت ایتدیکنی بیان ایدیور .
جامع الازهر ، علوم اسلامییه نك بر منبع فیاضیدر . مسلمانلرک بویوک
دارالفونیدر . قاهره ده تأسیس اولنان ایلمک مسجد بودر . جامع الازهرک
تأسیسنه ۳۵۹ سنه هجریه سنده باشلامش ، ۳۶۱ سنه سنده تمام اولمشدر .
اوزماندن بری « الازهر » دفعات ایله تجدید اولمشدر . همان بیک
سنه ک بر ماضی به مالک اولان بو جامع شریف علوم اسلامییه طالب
اولان اهل اسلامه سینه بر نورنی آچمشدر . اسلام عالمک هر طرفندن ،
چیندن ، جاوادن ، بخارادن ، مالایدن ، افغانان ، داغستاندن ، الحاصل
اقصای طرفندن انصای غربه انتشار ایدن قوص قوجه جهانک هرجهتندن
تحصیل علم ایچون کلن اولاد لری اوراده برله شیرلر ، هب برانکده
اوقورلردی و بویله جه « جامع الازهر » علم اسلامک هر گوشه سنه توزیع
عرفان ایدردی . بیک سنه دنبری مسلمانلر بو کلیه اسلامییه نك ادامه سنی ،
طلبه علومنک تأمین میاشتی ایچون وقفلر ، تبرعلر یا بارلر و بو سایه ده
جامع الازهر سنه اون بیکرجه طلبه سنی اوقوتور ، بویوک علما و فضلا